



黃絲寧救《蘋果》 懶理手足窮途

「黃媒」批眾籌登廣告都唔幫窮困前線 反被質疑搞分化

俗話講錢傷感情，所以「黃絲」對「手足」都只會「講心唔講金」。話說近日各大「黃絲」群組興起一股新風氣，就係夾錢嘍《蘋果日報》登頭版廣告，「黃媒」、「卡比日報」嘅主持Sam近日就係facebook發帖批評，話有「手足」窮途末路要鋌而走險，亦有被控暴動罪嘅「手足」無錢打官司，但呢班所謂「同路人」就日日煩惱籌錢同登啲乜嘢嘍《蘋果》頭版，真係夠晒「手足情深」。同預期一樣，一向玻璃心嘅「黃絲」完全聽唔入耳，仲紛紛留言鬧Sam係「鬼」要搞分化，甚至講到明《蘋果》同黎智英的確係重要過「手足」嘍！

香港文匯報記者 鄭治祖

Sam日前嘍佢fb專頁「English Lesson for Freedom」發帖，話佢最近接觸咗一個唔夠廿歲，因為去年「風

火」而被家人趕出家門嘅細路，呢個細路話佢返散工賺嘅錢根本唔夠交租，諗住反正就嚟坐監，不如跟黑社會搵食喇。



近日「黃絲」群組興起夾錢嘍《蘋果日報》登廣告。《蘋果日報》fb圖片

網民：幫前線有畫面睇蝕桌

Sam話自己聽完就火滾，話嘍《蘋果》登一次頭版都成十幾萬，但啲「黃絲」群組就一呼百應，反觀唔少窮到生活都成問題嘅「手足」就冇人理，真係「好×嘢」。

網民「Dirbyh Gmir」就講出呢班「黃絲」嘅心底話：「登廣告人人見到畫面靚，感動又威威。幫前線（佢）《蘋果》唔報就有曝光有畫面，蝕卓（桌）呀。」「Ho Hin Fishman」補充：「如果有咗《蘋果》（嘅）附帶後果點樣會累到前線？咁又係係有人再影埋大逃生路線出嚟，梗係唇亡齒寒。」

「林煙煙」就不滿反駁：「我只係想講與其×人捐錢登報，你不如擺條link（連結）比（界）大家捐錢，正如呢個比（界）屋企踢出嚟case（個案），佢有冇求助，求助左（咗）咩組織無人知……我暫時亦見唔到眾籌post，點幫？」「Agnes Su」亦質問：「你又知佢咩人幫？幫咗又唔通大大聲講出嚟？幫《蘋果》都係幫『手足』嘅一種，你又係分化×！」

「Casper Kui」就慨嘆：「《蘋果》冇錯，『泛民』冇錯。邊個話佢哋，就係鬼、『熱狗』！有咁嘅思維，香港邊有得救」。

「手足」求救逾月僅82人出手

「Gabriella Leung」就轉載網上討論區「連登」嘅一個帖文，內容係一位自稱前線嘅「手足」，聲稱自己因為面臨審訊隨時坐監，但佢讀緊書有返工，所以擺咗條link出嚟想大家眾籌「支持」吓佢。雖然呢個post嘍「連登」有逾800個讚好，但我哋睇日睇過佢嘅眾籌post，原來過咗一個月都只係得82位「同路人」肯出錢資助，睇嚟「黃絲」真係物輕情義重！

點解「黃絲」唔肯撐「同路人」？「Ken Lok」就坦言：「講真，要幫，可以有咩途徑？全部都係朋友朋友再唔係講個信字，又唔係唔知有幾多人呢錢搵飯食。」「陳四」亦坦言：「肥佬黎（黎智英）重要過『手足』好多嘍吓（吓）話。」「Cecelia Cheung」就話：「《蘋果》唔唔住執咗，只會有更多『手足』受害，所以點都要撐住《蘋果》先」喇。

「黃金」易氹 攬炒區員又籌旗付訟費



制衡失控議會

廿一世紀日新月異，唔少職業應運而生，最搵架嘅可能係「眾籌師」。今年先參加完所謂「初選」嘅攬炒派九龍城區議員李軒朗日前就係facebook頻頻發帖，話自己舊年雖然贏到選舉，但之後就收到其他參選人提出的選舉呈請，故「希望向大家提出一個非（不）情之請，向大家籌募部分金額應付法律開支，並懇請大家鼎力支持」。開口就叫人入錢俾佢，有「手足」就質疑：「做咗咗唔多成大半議員，自己有冇呢啲事儲錢？」


食慣血饅嘅攬炒派覺得「黃絲」易揮錢唔出奇，但連詳情都欠奉就想叫人課金，會唔會又太過老奉呢？攬炒派支持者「流浪桶貓」就係連登開post鬧李軒

朗：「對家有合理理據去做覆核咩？個理據又係咩？可否比（界）大家了解清楚詳情先去捐？」

網民質疑：有糧出都要籌？

有網民就唔明，區議員有糧出，點解仲要籌。「人生x流流長」咁講：「老老實實，做咗咗唔多成大半議員，自己有冇呢啲事儲錢？有咩理由呢啲都要籌？係咪『初選』洗（使）多咗？而（嘅）家有錢幫自己打官司啊？我覺得要多啲detail（詳情），邊個告、點告、大約要幾多、自己出咗幾多，票就投咗比你，真係盡晒義務，而家仲要係咩少detail（詳情）嘅情況下叫我捐錢比（界）你！」

其實，攬炒派「眾籌師」何其多，好似東區區議員仇樹欣日前就係facebook學人話要為私人檢控「濫審警」而搞眾籌，仲話要籌110萬。不過，層出不



窮嘅手法一樣俾唔少網民鬧爆，有網民就反問仇樹欣：「眾籌？你地（咩）吾（唔）係大義務律師（師）支援架（嘍）咩？」「Duncan Wai」就揶揄：「眾籌有乜好處，就係唔記名囉！好似許至瘋（許智峯）咁都未打已輸，錢銀就退唔到俾你。」「[Jason Chan]」就話：「又眾籌！係咪當d（啲）手足on（懸）×！」

李軒朗係fb發帖，話收到其他區選參選人提出選舉呈請，所以要眾籌應付法律開支。
李軒朗fb截圖

「韓寶生」粉碎謠言 反被話係臨記



網議政事

「韓寶生」中被告造謠捧成「被打死烈士」嘅「韓寶生」，日前自爆自己根本冇死，真名其實叫王茂俊，只係因為面對多條控罪而一直低調行事，現在仲已着埋草去英國呢。唔少「黃絲」睇完佢接受傳媒專訪嘅連番提問後，卒之要無奈咁面對現實，知道原來自己蠢足成年。不過，對部分「黃絲」而言，有人死就「畫面唔夠清」，於是繼續掩耳盜鈴，仲將網上傳翻生嘅「烈士」係「演員」喇，唔少「手足」都話：「付出完比（俾）人當鬼真係令人好傷心架（嘍）！」

「Stephanie Chin」日前就係facebook上載張疑似法庭資訊，上面有日期、有地點、只係得一班被捕者嘅姓名、年齡同職業，其中就有「韓寶生」個名。佢嘅帖文話：「小心月底8.31.2020網上蒲頭，居英的王姓演員韓寶生其實係自己採用的假名，痴（癡）線嘍，警方落案八條罪係要用身份證上的真名架（嘍）！」

付出完仲要被當係鬼

唔少網民都鬧佢屈「手足」係鬼好過分。「Tammy Yip」咁講：「之前可唔可以做下（吓）功課？你個個有韓寶生名嘅名單係11月12號被捕，831被捕又無上庭，嗰個叫王茂俊！Del po（刪帖）啦，唔好再捉鬼喇，王茂俊又好，韓寶生又好，付出完比（俾）人當鬼真係令人好傷心架（嘍）！」「Connie Yeung」都話：「可唔可以唔好再捉鬼呀，手足已經被追迫流落他鄉！」

有網民發現，原來「Stephanie Chin」上載張疑似法庭資訊，份名單無論人名及次序都同《本土新聞》舊年11月14號報道嘅西九龍裁判法院法庭資訊一模一樣。「Cheung Kei Karl」話：「呢廿八個人係去年11月12日的中環『和你lunch』，28人被控非法集結、違反《禁蒙面法》等罪的被告，同831無關，韓寶生係另一個人，唔係831影到果（嗰）個！」「Kobe Ng」就話：「信自己對眼，關於韓寶生明明寫住11月份中環集結，關咩831時（事）？」

心水清嘅網民就指出，一直都只係有手足掩耳盜鈴，唔了解成件事。「Leonard Yip」話：「你搞清楚先啦大佬，依（嘅）家佢（王茂俊）係話咁人當佢係韓寶生，但唔係否認韓寶生呢個人存在，係否認緊佢係韓寶生咁大佬，你不如查下（吓）有無王茂俊先啦，懶醒！」

王茂俊被聽成韓寶生

有網民就翻睇王茂俊「831」當晚嘍太子站警察制服在地嘅直播片段，原來用黑布蒙住口嘅王茂俊回答記者自己嘅名時，的確係講「王茂俊」，只係大家聽錯咗做「韓寶生」。「Leo Chiu」咁話：「韓寶生係大家聽錯左（咗），我都聽錯左（咗），睇番（返）d（啲）片，係大家聽錯『韓寶生』，……當時咁惡劣環境唔係咁易講得清！」唉！所謂「831太子站打死人」所來都係冇證冇據，又何苦庸人自擾呢！


香港文匯報記者 黃書蘭



「韓寶生」澄清自己叫王茂俊，但就被指係演員。資料圖片

癡鋒長期求課金 fb晒命「食豪西」

「黃圈」先判後審 「黃店」炒人即被踢



「北區黃色生活圈」在fb宣布將「鐵板神燒」由「黃店」轉為立場不明。「北區黃色生活圈」fb截圖

自從有「黃色經濟圈」之後，「黃絲」嘅生活素質有冇改善就唔知，但請「手足」、炒「手足」，甚至炒「手足」唔畀通知知食嘅情況，就問唔中都見到。噶日，攬炒派facebook專頁「北區黃色生活圈」就出文點名某餐廳解僱「黃大廚」，宣布要將該餐廳踢出「黃店」名錄，但就直言其實自己唔唔到個「黃大廚」了解原因，呢鋪真係「審咗先講」喇。

明言解僱原因不詳

「北區黃色生活圈」噶日出post，話收到消息，餐廳「鐵板神燒」已解僱「黃大廚」，所以佢哋暫時將鐵板神燒由「黃店」轉為立場不明，「本圈將會進行了解，是否勞資糾紛還是政治立場問題。……據消息指『黃大廚』昨晚即通知被解僱，原因不詳。正找尋『黃大廚』中。」「北區黃色生活圈」仲話「正努力尋找資方作出了解並對質。不想錯怪任何人，但不容許任何扮黃食人血事情出現」。

唔知解僱原因都可以公審人？對「黃絲」嚟講係可以嘍，因為「北區黃色生活圈」就搵到個「前職員」話個餐廳老細支持國安法、用政府派嘅口單，仲話以前開舖貼文宣傳「店內職員自發，老闆沒有支持但亦沒有阻止」，又話「前段時間大部份（分）『黃職員』已離職」。

網民「Joe Kwok」都睇唔過眼質問：「黃就唔炒得咩？未知事情始末（未）就公開，再語言中暗示立場成疑，未審先判，真係好事咩？」「Ivan Fung」就話：「執×咗去啦，又咸（鹹）又貴，完全唔好食呀。」「呀二」則一針見血地反問：「所以因為咁而『黃大廚』冇得做？」

香港文匯報記者 甘瑜



一個post又講豪食又叫人課金，掂晒。黃之鋒fb截圖


呢個世界總有啲人衝去最前線然後失業或坐監，但有啲人唔使返工、唔使大學畢業都可以坐享家中噴美食。前「香港眾志」秘書長黃之鋒（癡鋒）前晚嘍facebook打卡，貼自己撐「黃店」嘅外賣到會，包括北海道白粟米刺身沙律、隱秘極上炙燒吞拿魚、威靈頓牛腩骨。有攬炒派facebook專頁就唔唔住問：「佢有無認咗啲荔枝角收押所同監獄入面食緊狗飯嘅『手Joke（足）』依（嘅）家咩環境？沒有，因為佢（他）只想到佢（他）自己。」

網民：有冇諗在押「手足」食乜

不過，唔係個個可以好似黃之鋒咁嘆世界。「Lee Christine」就留言：「介紹的食物很吸引，在這疫情，很多香港人要節儉。」「David Cheng」仲貼埋內地人在押人員一周膳食嘅餐牌話：「十二手足只食緊依（嘅）啲。」

fb專頁「泛民主派·永遠站在抗爭者對面」亦出post質疑佢有諗過在囚「手足」，仲加埋「24歲沒有工作」等標籤，質疑佢係擺支持者課金食好嘢。「King Leung」揶揄：「都要有一大堆堆人供奉佢先得。」「Mebius Mak」問佢：「對唔對得住手足？」「Teddy Cheng」留言話：「我有工作都食唔起。」

香港文匯報記者 甘瑜



長期求課金嘅黃之鋒，出post晒「黃店」嘅實價外賣到會。黃之鋒fb截圖

「Charmaine Kwok」質問：「未交代眾籌錢去向，然食威靈頓牛肉會唔會背脊骨落呀？」